



CONVENIO DO CONCELLO DE REDONDELA COA ASOCIACIÓN DE PAIS E NAIS DE PERSOAS CON NECESIDADES ESPECIAIS “ANDAINA”

En Redondela, 10 de agosto de 2017

REUNIDOS

Dunha parte a Alcaldesa Acctal. do Ilmo. Concello de Redondela, Dona María del Carmen Amoedo Dasilva, na representación que ostenta en virtude dos artigos 21.1 b) da lei 7/85, de 2 de abril, Reguladora das Bases de Réxime Local.

Doutra, Don Antonio García Santos, con DNI 76989538 M e enderezo na Estrada do Porriño, 17, 36817 Redondela, teléfono 698126334 que ostenta a Presidencia da Asociación de Pais e Nais de Persoas con Necesidades Especiais “Andaina” con CIF G 36289064, correo electrónico andainaredondela@hotmail.com e enderezo na rúa Telmo Bernárdez. 11, baixo, 36800 Redondela, cuxa representación manifesta neste acto.

Ambos recoñécense capacidade, representación e poder suficiente para subscribir o presente convenio, polo que a tal efecto.

EXPOÑEN

PRIMEIRO.- Que o Concello de Redondela ten competencia na participación da xestión da atención primaria da saúde e na prestación de servizos sociais; todo elo segundo establecen as disposicións transitorias primeira e segunda da lei 27/13, de 27 de decembro, de racionalización e sostibilidade da Administración Local e o artigo 3 e disposición adicional cuarta da Lei 5/2014, de 27 de maio, de medidas urxentes derivadas da entrada en vigor da Lei 27/13, de 27 de decembro, de racionalización e sostibilidade da Administración Local.

Á súa vez, a declaración dos dereitos do neno aprobado pola asemblea xeral da ONU en 1959 recolle no seu principio 5:

“O neno física ou mentalmente impedido ou que sufra algún impedimento social debe recibir o tratamento, a educación e o coidado especiais que requiran no seu caso particular.”

SEGUNDO.- Que a Asociación de Pais e Nais de Persoas con Necesidades Especiais “Andaina” figura inscrita no Rexistro Municipal de asociacións co número 101, tendo como finalidade a mellora da calidade de vida de colectivos que presenten unha

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



situación de desprotección especial, como é a das/os nenas/os con necesidades educativas especiais. Para elo, realiza, entre outras, as seguintes actividades no ámbito territorial do termo municipal de Redondela que redundan en beneficio dos seus habitantes:

- Xestión do local social da Asociación de Pais e Nais de Persoas con Necesidades Especiais “Andaina”, nos que se realizan actividades e programas para favorecer ás/aos nenas/os.
- O gasto da traballadora social, persoa encargada da programación das actividades así coma do desenvolvemento das mesmas, información ás familias, xestión de información.

Que sendo os obxetivos sinalados de marcado interese público e social, é propósito de ámbalas dúas partes colaborar na consecución e logro das mesmas polo que subscriben o presente convenio con arranxo ós seguintes

ANTECEDENTES

PRIMERO.- Que a Asociación de Pais e Nais de Persoas con Necesidades Especiais “Andaina” presenta:

- a) Cumprimento dos requisitos do artigo 13 da Lei 38/2003, de 17 de novembro, Xeral de Subvencións.
- b) Certificación de estar ó corrente coas obrigas tributarias e coa Seguridade Social.
- c) Declaración responsable respecto á obriga contida no artigo 25 do Real Decreto 887/2006, de 21 de xullo, polo que se aproba o Regulamento da Lei 38/2003.
- d) Declaración responsable de non ter solicitada nin concedida ningunha outra axuda para a mesma finalidade, ou de telas, declaración na que se indique que o importe xustificado supera o importe total.

SEGUNDO .- A Asociación de Pais e Nais de Persoas con Necesidades Especiais “Andaina” ven desenvolvendo ó longo destes anos actuacións relacionadas coas enfermidades mentais graves e persistentes. Esta actividade vai redundar en beneficio da/os veciña/os de Redondela que van ter a oportunidade de beneficiarse de ditas actividades.

En virtude do anteriormente exposto, o Concello de Redondela e a Asociación de Pais e Nais de Persoas con Necesidades Especiais “Andaina” acordan subscribir un convenio de colaboración con base nas seguintes:

CLÁUSULAS

PRIMEIRA.- Que a Asociación de Pais e Nais de Persoas con Necesidades Especiais “Andaina” está interesada en recibir un patrocinio por parte do Concello de Redondela

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



co obxecto de poder sufragar parte dos gastos que implica a prestación das actividades que presta ás/aos nenas/os con necesidades educativas especiais. Patrocinio que se encadra dentro da xa extensa labor, dentro das súas posibilidades, que se realiza por parte do Concello no ámbito da prestación de servizos no ámbito dos servizos sociais e da sanidade.

SEGUNDA.- Que o Concello de Redondela está interesado en mellorar e promover un servizo que poña en valor á vila para a súa veciñanza e que se converta nun xeito de colmar as aspiracións no eido da sanidade e do benestar dunha parte da poboación, todo elo dentro das competencias do Ilmo. Concello de Redondela que se recollen na lexislación xa citada no primeiro expoñendo.

TERCEIRA.- Tal como se establece no punto anterior, estando o Concello de Redondela interesado na promoción dunha actividade sanitaria e de servizos sociais, e como se di na exposición segunda, tendo a realización das diversas actividades unha importante repercusión nun ámbito importante da veciñanza da vila; é por elo que se demostra deste xeito e interese social polo que o Concello de Redondela decide asinar un convenio coa Asociación de Pais e Nais de Persoas con Necesidades Especiais "Andaina".

Así, no Orzamento aprobado pola Xunta de Goberno Local en data 30 de decembro e publicado o 15 de febreiro de 2016 no boletín oficial da provincia, prorrogado para o ano 2017, recóllese a aplicación orzamentaria 2311A/4800008 para o outorgamento da subvención. Con posterioridade e por Resolución de Alcaldía de data 7 de xullo de 2017, aprobouse outorgar unha subvención por importe de 4.000 € (CATRO MIL EUROS) a cal articularase, atendendo ás peculiaridades da actividade a fomentar, a través do presente convenio para o patrocinio e fomento dos fins de utilidade e interese social antes comentados e de competencia de ambas entidades.

CUARTA.- A Asociación de Pais e Nais de Persoas con Necesidades Especiais "Andaina" comprométese a seguir realizando as actividades antes mencionadas, como ata agora o veñen facendo e en concreto a:

- a) Aceptar as/os usuarias/os que sexan remitidas/os polo Concello, sempre que reúnan os requisitos para a súa admisión
- b) Dará a coñecer ao Concello todas as actividades e programas que realice suxeitas aos obxectivos deste convenio
- c) Comprométese a facer constar na publicidade realizada por calquera medio que as actividades e servizos que realice contan coa colaboración do Concello de Redondela. As mencións deberán efectuarse en lingua galega. A Asociación comprométese a unha utilización respetuosa do nome e da imaxe do Concello de Redondela.

QUINTA.- Así mesmo comprométese a cumprir coas obrigas dos beneficiarios establecidas na lexislación aplicable que se recollen como anexo deste convenio e en especial a achegar facturas ou documentos substitutivos de facturas, orixinais ou



debidamente compulsadas, polo menos, polo importe de 4.000 € (CATRO MIL EUROS) co obxecto de verificar que a actividade se desenvolveu e que o importe concedido non supera o custe das actividades desenvolvidas. Asemade, a xustificación so se poderá refire a gastos realizados para sufragar o obxecto deste convenio e que ademais estean efectivamente pagados con anterioridade á xustificación da subvención, salvo nos casos dos pagamentos a conta. No caso de que ó finalizar o prazo para a xustificación, non se xustificara a totalidade da subvención procederase automaticamente á anulación da subvención polo non xustificado.

As facturas que se presenten para a xustificación deberán ser emitidas conforme ó establecido legalmente no Real Decreto 1619/2012, de 30 de novembro. En caso contrario, a factura non contará para a xustificación. Con carácter xeral, a xustificación terá unha relación directa coas actividades subvencionadas, o aluguer do local (3.267 euros) e o salario da traballadora social (1.739,10 euros). Os gastos xustificables non poderán ter o carácter de investimento. No caso de que se presenten copias das facturas, aparte de que estas deberán estar debidamente compulsadas, o beneficiario deberá presentar as facturas orixinais para que sexan seladas polo Concello onde se faga constar que a factura se utilizou para xustificar unha subvención.

En caso de que a xustificación se realice mediante documentos substitutivos de facturas deberá poñerse de manifesto as razóns polas que non se pode xustificar o gasto con facturas. A apreciación deste feito será realizada polo órgano que aprobe a xustificación. En caso de que non estea conforme coa xustificación requirirá á Asociación de Pais e Nais de Persoas con Necesidades Especiais "Andaina" a que presente outra xustificación de acordo co establecido na lexislación pertinente.

Na xustificación do gasto mediante nóminas, éstas deberán vir acompañadas dun certificado da/o Secretaria/o da Asociación no que se estableza cal é porcentaxe do importe da devandta (s) nómina (s) que se imputa (n) á xustificación.

Para o caso de xustificación de seguros sociais a cargo da Asociación, se non se deduce claramente da nómina, deberá constar certificado da/o Secretaria/o no que se estableza a contía imputable á xustificación. Este importe deberá ser acorde coa cantidade imputada do salario da/o empregada/o.

Se a xustificación non alcanza a cantidade mínima necesaria para realizar o pago da cantidade concedida, ésta reducirase proporcionalmente á cantidade xustificada.

Os libramentos dos fondos realizaranse a medida que se vaia xustificando o gasto.

O prazo máximo para a xustificación será o 1 de decembro.

Así mesmo, coa xustificación da subvención a Asociación de Pais e Nais de Persoas con Necesidades Especiais "Andaina" deberá presentar:

1. Memoria detallada da actividade realizada, en que consistiu, e o número de participantes na actividade.

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



2. Que as facturas se axustan á finalidade recollida no convenio.
3. Que non se atopa en ningún dos supostos establecidos no artigo 13 da LXS ou no artigo 10 da LSG que a inhabiliten para obter a condición de beneficiario da subvención.
4. Certificado de atoparse ó corrente das súas obrigas tributarias co Concello de Redondela.
5. Certificado de atoparse ó corrente no cumprimento das súas obrigas tributarias e fronte á seguridade social.
6. Que non ten solicitada nin concedida ningunha outra axuda para a mesma finalidade, ou de telas, declaración das mesmas e que o importe xustificado supere o importe total das axudas concedidas e/ou solicitadas.
7. Unha certificación de atoparse ó corrente do cumprimento da obriga de reintegro de subvencións.
8. Unha declaración de que o custe do IVE que aparece nos documentos que presentan na xustificación non ten carácter de recuperable para a entidade beneficiaria.
9. O gasto total que tivo que asumir a entidade beneficiaria.

Previamente á aprobación do gasto, a área de Servizos Sociais procederá á valoración de se, coa xustificación presentada pola Asociación de Pais e Nais de Persoas con Necesidades Especiais “Andaina” se cumpre coa finalidade da subvención.

Por último, a Asociación de Pais e Nais de Persoas con Necesidades Especiais “Andaina” comprométese a non participar na concesión de subvencións que podería outorgar o Ilmo. Concello de Redondela conforme ás Bases de subvencións aprobadas no seu día pola Alcaldía ou órgano competente mentres dure a vixencia deste convenio pola mesma actividade que se recolle neste documento.

SEXTA.- O Concello de Redondela responsabilízase de :

- Derivar a través da Concellería de Servizos Sociais, Muller e Igualdade usuarias/os a cando estas/es reúnan os requisitos exixidos para a súa admisión.
- Tramitar a xustificación que presente no seu momento a Asociación.

SÉTIMA.- Declárase a compatibilidade con outras subvencións, axudas, ingresos ou recursos para a mesma finalidade, procedentes de calquera Administración ou ente público ou privado, nacional, da Unión Europea ou de organismos internacionais, salvo as outorgadas polo Concello de Redondela. A sinatura do presente convenio suporá o recoñecemento por parte da representante da Asociación de Pais e Nais de Persoas con Necesidades Especiais “Andaina” de que o importe total das subvencións obtidas, incluída á que se refire este convenio, das diferentes Administracións Públicas, non supere o custe das actividades a desenvolver polo beneficiario.

Por outro lado, a Asociación de Pais e Nais de Persoas con Necesidades Especiais “Andaina” renuncia a participar de calquera outra axuda do Concello de Redondela aprobada dentro do ano 2017, con independencia do estado da súa tramitación.

Concello de Redondela

Rua Alfonso XII, 2, Redondela. 36800 Pontevedra. Tfno. 986400300. Fax: 986403894



OITAVA.- O corpo normativo aplicable estará formado por:

- A Lei 38/2003, de 17 de novembro, Xeral de Subvencións.
- A Lei 9/2007, de 25 de xuño, de subvencións de Galicia.
- O Real Decreto 887/2006, de 21 de xullo, polo que se aproba o Regulamento da lei 38/2003.
- A Ordenanza Xeral de subvencións do Concello de Redondela.
- As Bases de Execución do Orzamento do Ilmo. Concello de Redondela.
- Con carácter supletorio o Dereito Administrativo.

NOVENA.- A Asociación de Pais e Nais de Persoas con Necesidades Especiais “Andaina” queda expresamente comprometida/o e coñece todo o establecido nos títulos II, III e IV da Lei 38/2003, de 17 de novembro, Xeral de Subvencións referidas ó reintegro de subvencións, control financeiro de subvencións e infraccións e sancións administrativas en materia de subvencións.

Por outro lado, a Asociación de Pais e Nais de Persoas con Necesidades Especiais “Andaina” renuncia a participar de calquera outra axuda do Concello de Redondela aprobada dentro do ano 2017, con independencia do estado da súa tramitación.

DÉCIMA.- Este Convenio ten carácter administrativo.

Conforme co mesmo o firman as persoas e no lugar e data arriba sinalados por triplicado exemplar.

A Alcaldesa Acctal.


Asdo: María del Carmen Amoedo Dasilva

O Presidente da Asociación de Pais e Nais do Concello de Redondela de Persoas con Necesidades Especiais “ANDAINA”

Asdo: Antonio García Santos



Anexo ó convenio no que se recollen as obrigas do beneficiario desta subvención

- 
- 
1. Cumprir o obxectivo, realizar a actividade ou adoptar o comportamento que fundamenta a concesión das subvencións de acordo coa memoria presentada.
 2. Xustificar ante o Concello de Redondela, o cumprimento dos requisitos e condicións, así coma a realización da actividade e o cumprimento da finalidade pola que se concedeu a subvención.
 3. Someterse ás actuacións de comprobación e control financeiro que poidan realizar os órganos de control competentes, aportando canta información lle sexa requirida no exercicio das actuacións anteriores.
 4. Comunicar ó Concello de Redondela a obtención doutras subvencións, axudas, ingresos ou recursos para a mesma finalidade. Esta comunicación deberá efectuarse tan pronto coma se coñeza.
 5. Acreditar que está ó corrente no cumprimento das súas obrigas tributarias e fronte á Seguridade Social, na forma que se determine regulamentariamente.
 6. Dispor dos libros, rexistros e/o documentos debidamente cumprimentados de acordo coa normativa aplicable ó beneficiario ou perceptor, coa finalidade de garantir o adecuado exercicio das facultades de comprobación e control.
 7. Conservar os documentos xustificativos da aplicación dos fondos recibidos, incluídos os documentos electrónicos, en tanto poidan ser obxecto das actuacións de comprobación e control.
 8. Facer constar naquelas actividades subvencionadas que así o permitan, ca mesma conta coa subvención do Concello. Na publicidade impresa deberá constar o escudo e nome do Concello de Redondela.
 9. Proceder ó reintegro dos fondos percibidos nos supostos contemplados no artigo 37 da Lei 38/2003, de 17 de novembro, Xeral de Subvencións.
 10. Con carácter xeral deberán desenvolver a actividade subvencionada no termo municipal de Redondela.
 11. As persoas xurídicas deberán estar validamente constituídas e rexistradas.

Polo que se refire á xustificación dos gastos é unha das obrigas de todo beneficiario co Concello de Redondela. Con carácter xeral, a xustificación realizarase mediante facturas orixinais ou compulsadas directamente relacionadas co obxecto da subvención, e no seu caso, correspondentes ó período para o que esta foi concedida. As facturas deberán conter os seguintes datos:

- a) Emisión á persoa ou entidade beneficiaria, con especificación do seu NIF ou CIF, domicilio fiscal, localidade e código postal e o Departamento ou Servizo destinatario da prestación.
- b) Identificación completa do proveedor ou contratista, especificando en todo caso, a súa denominación, NIF ou CIF, domicilio fiscal, localidade e código postal.
- c) Número de factura.
- d) Lugar e data de emisión da factura.



- e) Descrición suficiente da subministración realizada ou do servizo prestado, con detalle das unidades obxecto do servizo ou subministración, cantidade e prezos unitarios de cada unha delas, contraprestación total, tipo tributario e cota do Imposto sobre o Valor Engadido.
- f) Período que corresponda.

Firma manuscrita en azul, probablemente do concelleiro.

Firma manuscrita en azul, probablemente do concelleiro.